

上海古籍出版社

梁公九諫

武王伐紂書

樂毅圖齊七國

春秋發集

古本小說集成

《古本小說集成》編委會編

梁公九諫 武王伐紂書
樂毅圖齊七國春秋後集

上海古籍出版社

全國高等院校古籍整理研究
工作委員會規劃重點項目

古本小說集成編輯委員會

顧問

周 林 鮑正鵠 顧廷龍

編委

安平秋 李田意 李致忠 柳存仁

侯忠義 馬幼垣 袁世碩 徐朔方

章培恒 楊牧之 魏同賢

梁
公
九
諫

前言

李夢生

《梁公九諫》一卷九篇，宋無名氏撰。書所記為唐梁國公狄仁傑諫阻武則天傳位武三思，請召復中宗李顯為太子事。

狄仁傑（六〇七——七〇〇），字懷英，并州太原人。歷官大理丞、豫州刺史、地官侍郎同鳳鸞臺平章事，為酷吏來俊臣陷下獄，貶彭澤令。武則天神功元年（六九七）復相，力勸武后立李氏嗣。卒贈文昌右相，睿宗時追封梁國公。《新唐書》、《舊唐書》均有傳。

狄仁傑上疏事，《舊唐書》本傳云：「仁傑前後匡復奏對，凡數萬言。開元中，北海太守李邕撰為《梁公別傳》，備載其辭。」宋寶元元年（一〇三八），范仲淹過彭澤，謁狄梁公廟，作有《唐相梁公廟碑》，中云：「公之勳德，不可備言。有議論數十萬言，李邕載之《別傳》。」惜李邕所作《梁公別傳》今已不見，狄仁傑上疏原文亦隨之湮沒，僅藉本書見其鱗爪。

本書前有無名氏序，據序，書原名《梁公九諫詞》。唐以來講唱文學多稱之為「詞」。因此，本書最初流行時或帶有唱詞，經宋人改寫後始成小說。綜讀全帙，此書實宋元平話萌芽時期的作品，也許是說書藝人據以演述的一個脚本，故事內容則在演出時隨時增添。

本書最早著錄於清初錢曾《述古堂書目》及《讀書敏求記》。清嘉慶中，黃丕烈得明賜書樓舊鈔本，卷中有姑餘山人沈與文、姑蘇吳岫家藏印，二人均明嘉靖時人。黃丕烈將此書收入所刻！

《士禮居叢書》中，未有黃丕烈嘉慶癸亥（八年，一八〇三）自跋，今即據以影印。

賜書樓藏鈔本

梁公九諫

嘉慶丙寅

士礼居開雕

唐相梁公廟碑

朝散大夫上駙馬都尉知閩州事賜紫金魚袋范仲淹謨
天地閉孰將闢焉日月蝕孰將廓焉大厦仆孰將起
焉神器墜孰將舉焉岩岩乎克當其任者惟梁公之
躋歟公諱仁傑字懷英太原人也祖宗高烈本傳在
矣公爲子極于孝爲臣極于忠忠孝之體揭若日月
者敢歌于廟中公嘗赴并州掾過太行山反瞻河陽
縣見白雲孤飛曰吾親舍其下久而不能去左右爲

之感動詩有陟岵岵陽君子于役弗忘其親之深吁
嗟乎孝之至也忠之所由生也公嘗以同府掾當使
絕域其母老病公曰柰何重大人之憂詣長史請代
行時史馬睚眦不可感公之義歡如平生吁嗟乎與
人交而先其憂况君臣之際乎公爲大理丞決諸道
滯獄萬七千人天下服其平時武衛將軍權善才右
監門范懷義坐伐昭陵栢高宗命戮之公執奏不却
上怒曰彼致我不孝左右策公令出公前曰陛下以

一樹而殺二將軍張釋之所謂假有盜長陵一坏土則將何法以加之臣豈敢奉詔陷陛下于不道帝意解善才得恕死吁嗟乎執法之官患在少息公獨愛君以仁何所存之遠乎高宗幸汾陽宮道出妬女祠下彼俗謂盛服過者必有風雷之災并州發數十萬人別開御道公頓首曰天子之行風伯清塵雨師洒道彼何害焉遽命罷其役公又爲江南巡撫使奏毀淫祠千七百所止存夏禹泰伯季札伍員四祠曰安

使無功血食以亂明哲之祠乎吁嗟乎神猶正之而
況人乎公爲寧州刺史能撫戎夏郡人紀之碑遷豫
州會越王亂後緣坐者七百人籍沒者五千口有司
輒行刑公緩之密表以聞曰臣言以理逆人不言則
有辜陛下好生之德表成復毀意不能定彼或非本
心惟陛下矜焉救貸之流于九源郡道出寧州舊治
父老迎勞之曰我狄使君活汝輩也相攜哭於碑下
齋三日而去吁嗟乎古謂民之父母公則過焉斯人

也死而生之豈父母之能乎時宰相張光輔率師平越王之亂將士貪暴公拒之不應光輔怒曰州將軍忽元帥耶對曰公以三十萬衆以除亂臣彼脇從輩聞王師來乘城而降者萬計公縱暴兵殺降以爲功使無辜之人肝腦塗地如得上方斬馬劍加于君頸雖死無恨光輔不能屈奏公不遜左右遷復州刺史吁嗟乎孟軻有言威武不能屈是謂大丈夫其公之謂乎公爲地官侍郎同知鳳閣鸞臺平章事爲來俊

臣誣搆下獄公曰大周革命萬物維新唐朝舊臣甘從誅戮因家人告變得免死貶彭澤令獄史嘗抑公誣引楊執柔公曰天乎吾何能焉以首觸柱流血被面彼懼而謝焉吁嗟乎陷阱之中不義不爲况廟堂之上乎契丹陷冀州遷公爲魏州刺史以禦焉時河朔震動咸驅民保鄆郭公至下令曰百姓復爾業寇來吾自當之狄聞風而退魏人爲之碑未幾入相請罷說疏勒等四鎮以肥中國又請罷安東以息江南

之饋輸論者躋之北狄再寇趙簡公出河北道元帥
狄退就命公安撫大使前爲突厥脇說者咸逃散山
谷公請曲赦河北諸州以安反側朝廷從之吁嗟乎
四方之事知無不爲豈虛尚清談而已乎公在相日
中宗幽房陵則天欲立武三思爲儲嗣一日問群臣
可否衆皆稱賀公退而不言則天曰無乃有異議乎
對曰有之昨陛下命三思募武士歲時得數百人及
命廬陵王代之數日之間應者十倍臣知人心未厭

唐德則天怒命策出又一日則天謂公曰我夢雙陸
不勝者何對曰雙陸不勝者宮中無子也復命策出
又一日則天不豫公入門問疾則天曰有夢鸚鵡雙
翅折者何對曰武者陛下之姓也相王廬陵王陛下
之翅也是可折乎三思怒發赤色則天以公屢言不
奪一旦感悟遣中使密召廬陵王矯衣而入人無知
之者乃召賜坐于簾外而問曰我欲立武三思羣臣
無不可者惟侯公一言從之則與卿長保富貴不從